



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1635. usque ad annum 1643

**Fleury, Claude**

**August. Vind. [u.a.], 1779**

**VD18 9011888X**

§. 67. Antonii Arnaldi liber de frequenti communione.

---

[urn:nbn:de:hbz:466:1-67406](https://nbn-resolving.de/urn:nbn:de:hbz:466:1-67406)

Sæc. XVII. aliqua ex istis literis excerpta, atque in  
 A. C. 1643 lucem publicam edita, an vero genui-  
 na, & non adulterata fuerint, a multis dubitatur, saltem nunquam eorum  
 authographa fuerunt exhibita, quam-  
 vis Jansenistæ id fæpissime, ac impor-  
 tune petiissent: genuinas vero San-Cy-  
 ranni literas esse obtendunt Jansenistæ,  
 quas Arnaldus Andillius anno hujus  
 fæculi quadragesimo quinto publici ju-  
 ris fecit.

## §. LXVII.

*Antonii Arnaldi liber de frequenti  
Communione.*

*Abrege de l'hist. Eccl.*  
*p. 3. fol. 453.* Doctore Sorbonico compositus, & a  
*Hist. Jan-*  
*l. 3. p. 487.* pluribus Episcopis, universo Auschia-  
*Arnald. in* næ Provinciæ Clero, necnon a viginti  
*pref. &* quatuor Sorbonæ Magistris approba-  
*part. 3. c. 16.* bellus per Franciam hoc anno sparsum,  
 quo Jesuitæ frequentem imo & hebdo-  
 madariam communionem statim a con-  
 fessione poenitentibus commendabant,  
 et si adhuc amore sui & mundi pleni-  
 essent: cum autem eo tempore nil ma-  
 gis familiare esset, quam quod Jesuitæ  
 Jansenistis Calvinianam hæresin de gra-  
 tia, & vicissim Jansenistæ Jesuitis re-  
 laxa-

laxatam Religionis praxin objicerent, Sæc. XVII.  
 hinc confessim divulgato Jesuitarum li- A.C. 1643.  
 bello Jansenistæ exclamare cæperunt,  
 hujus libri doctrina denuo latam ad fa-  
 crilegia viam aperiri: quinimo ipsem  
 Octavius de Bellegarde Archiepiscopus  
 Senonensis datis ad Cardinalem Barbe-  
 rinum literis acriter desuper declama-  
 bat, his verbis: „Desidia & dissolutio  
 „animatorum, atque infirmitas lanquen-  
 „tis disciplinæ ad hunc excessum per-  
 „venere, ut fere non liceat de vera  
 „pœnitentia, & sincero Dei amore ver-  
 „ba facere. Atque hoc artificium est,  
 „quo utitur generis humani hostis, quo  
 „vult, ut loco veræ pietatis hæc spu-  
 „ria & remissa commendetur, quasi id  
 „foret a recta semita recedere, errores  
 „relinquere, ut ad rectam viam redeas.

„Itaque videmus Apostoli verba esse  
 „impleta in pluribus, quod non poterint  
 „homines ferre sanam doctrinam, sed tauri  
 „Doctores adulantes, & occlusuri aures  
 „veritati, ut eas fabulis & figuris aperiant.  
 „Sane fovent nonnulli omnium vitio-  
 „rum licentiam, & irritam faciunt cru-  
 „cem Christi. Namque ex vero dicere  
 „liceat, quod ludus a plurimis maxi-  
 „ma fiant crimina, & fere ipsa pœ-  
 „nitentia. „

Ejus tenoris literas dabat Octavius  
 ad Papam, assentientibus Archiepisco-

Yy 5

pis

Sæc. XVII. pis Tolosano, Burdigalensi, & Turo-

A. C. 1643 nenfi, necnon duodecim aliis Franciæ

Episcopis: quoniam vero in Jesuitarum libro maxime San-Cyrani dogma, quo poenitentes diu exercitiis poenitentiae, antequam ad Sacrum Altare accederent, se a peccatis perpurgare jubebantur, recta impeteretur, hinc Antonius Arnaldus intimus San-Cyrani amicus Magistri sui doctrinam vindicare statuit, suumque librum *de frequenti Communione* opposuit, ingenti applausu a San-Cyrani fautoribus exceptus, ab adversariis vero ac præcipue a Vaurense in Occidania Episcopo vehementer exagitatedus; illico enim plurimi edebantur libri, quibus Arnaldi paradoxa, heretica, & cum Abbatis San-Cyrani doctrinis consona perstringebantur, ipse etiam Condæus Princeps gravem de hoc libro querelam ad Franciæ Reginam detulit, Prodiit eodem quoque anno Parisiis contra Arnaldum liber, cui titulus: *Christianæ & Catholicæ observationes in librum de frequenti Communione*, in quo Auctor, qui Princeps Condæus credebatur, Arnaldo exprobatur, quod nova & perniciosa sua doctrina fideles a Sacramentis absterreat, plurima bona opera impediat, atque etiam pios pervertat, ita ut metuant ad Sacraenta accedere, imo ad mor-

tem

tem usque eorum usum differant. In- Sæc. XVII.  
super Arnaldum perstrinxerat, quod A.C. 1643.  
D. Petrum & Paulum æqualia esse Ec- 

---

  
clesiae capita statuat, ex obliquo absol-  
vendi potestatem, Confessionem & pœ-  
nitentiam abroget, & publicæ pœni-  
tentiae necessitatem inducere conetur.  
Non deerant, qui Arnaldi librum Ro-  
mana censura perstringi adlaborarent,  
quod etiam sequenti & rursus anno  
hujus saeculi nonagesimo ab Alexan-  
dro VIII. factum est, frustra interce-  
dentibus quibusdam Franciæ Archi-  
episcopis & Episcopis, qui Authorem  
amplis honorabant encomiis: ipse etiam  
Arnaldus semetipsum contra P. Peta-  
vium, adversarium suum vindicaturus  
edidit librum hoc titulo: *Traditio Ec-  
clesiae circa Pœnitentiam & Communionem*  
&c. Hunc partum velut Palinodiam  
Arnaldus Reginæ obtulit, hæc vero  
dolum subodorata & Arnaldi librum  
nequidem aspectu dignata, tertio jussit,  
ut Arnaldus sine mora Romam con-  
tenderet, ibidem suæ doctrinæ rationem  
rediturus: ipse vero fors caussæ suæ  
diffusus, Parisiis per plures annos se  
absconditum in latebris tenuit, a suis  
duntaxat saepe visus: favebant enim  
ei quidam Sorbonæ Doctores, ipsum  
etiam Parlamentum inter se divisum  
erat, cui tandem a Regina injunctum,

ut

Sæc. XVII. ut per Deputatos in rei momenta in  
A.C. 1643 quireret Regiamque senteniam ex-  
pectaret. Nec tamen propterea Arnaldus librum suum a censuris vindicare poterat; quippe præter Vesuntinum Archiepiscopum, ipsa etiam suprema Burgundici comitatus Curia Arnaldi & San-Cyrani opera in Provinciam invehi, perlegi aut lecta audiri, vel ab ulla retineri prohibuit: demum ipse Humbertus de Præcipiano Mechliniensis Archipræsul ad saniora reversus, die decima quinta Januarii anno hujus saeculi quinquagesimo nono hunc librum damnavit, eoquod frequentationem Sacramenti Pœnitentiae subdole arrodat, atque ad omnem ejus usum penitus abolendum viam sternat: Hanc vero labem Arnaldi librum Ecclesiæ intulisse, testatur ipse met. S. Vincentius a Paulo in suis ad Argnyum Congregationis Missionariorum Sacerdotem literis die vigesima quinta Junii anno Christi millesimo sexcentelimo quadragesimo octavo Parisiis datis: ubi haec habet: „Videamus, de quo agatur, de libro de frequenti communione scribis . . . verum est, tandem abesse, ut efformatus in hunc modum liber legendi desiderium ac studium frequentis communionis afferrat, ut potius eundem ab ea avocet, & retrahat. Jamque ipso etiam tempore

*Collect. Bot-*  
*tagrifiana*  
*t. 17. p. 330.*

„pore Paschali is frequens Sacramento- Sæc. XVII.  
„rum usus non est, qui alias vigebat. A. C. 1643.  
„Non pauci Curiones Parisienses que-  
„runtur de infrequentia, & longe ra-  
„riores fuisse communiones testantur,  
„quam annis prioribus. Curio ad S.  
„Sculpitii tria millia eorum numerat,  
„qui hoc anno ad sacram Mensam non  
„accessere. Curio ad S. Nicolai de  
„Cardinet, cum omnes, quæ Parœ-  
„ciæ suæ addictæ sunt, ædes & per  
„seipsum, & per alios lustrasset, non  
„multo abhinc tempore afferuit, e suis  
„Parochianis omnino mille & quingen-  
„tos ab Eucharistica mensa absuissæ. Et  
„sic idem sentitur ac dicitur de aliis. Non  
„sunt fere amplius, vel certe nonnisi  
„rari, qui cælesti epulo accumbant  
„prima mensis Dominica, aut festis so-  
„lennibus; neque plus aliquid præstari  
„cernimus in templis Religiosorum,  
„nisi quod adhuc pauci quidam sacra-  
„menta frequentent in illo, quod Je-  
„suitarum est. Et hoc ipsum specta-  
„bat San-Cyranus, eoque sua refere-  
„bat consilia, ut Jesuitas apud omnes  
„invidiæ ac contemptui objiceret. Cha-  
„vignyus paucis abhinc diebus narra-  
„bat amicorum suorum uni, sassum  
„sibi esse San-Cyranum, quod inito  
„cum Jansenio foedere. ratum utrique  
„sit ac fixum, juncta opera id conari,  
„ut

Sæc. XVII. „ut sanctus hic ordo omni sua fama ac  
A. C. 1643. „fide excideret, atque in rebus ad do-  
 „ctrinam & pia in procurandis sacra-  
 „mentis obsequia pertinentibus, pro-  
 „bro ac infamia notaretur. Ego ipse  
 „prope quotidianos ejusmodi sermones  
 „audivi, in quibus de infamandis &  
 „opprimendis Jesuitis deliberationes  
 „habebantur. „

„Cum primum Arnaldus, qui li-  
 „brum *de frequenti communione* suo nomi-  
 „ne insignitum in publicum emisit, poe-  
 „nitentiam publicam, & illam alteram,  
 „quam S. Communioni præmitti vole-  
 „bat, a multis impeti & erroris accu-  
 „sari cerneret, pro tuenda causa sua  
 „id unum reposuit, sibi nonnisi de ab-  
 „solutione declaratoria sermonem fuisse.  
 „Sed quomodounque obtentus hic se  
 „habeat, plures alii errores in eo libro  
 „sunt, quemadmodum asseverarunt  
 „Grandius Professor Navarræus, Vir  
 „ex doctissimis nostri temporis homini-  
 „bus, Confessarius regius, Cornetus,  
 „& Coqueretus, qui de hoc ipso nego-  
 „tio collaturi consilia in nostra Domo  
 „convenerant; illudque adjecere, ejus-  
 „modi declarationem plenam fraudis ac  
 „præstigiarum esse, multaque alia com-  
 „plicti, quæ nihilo plane saniora sint  
 „iis, quæ in primo libro scripsisset.  
 „Num enim id, quod ait: Ecclesiam,  
 „cum

„cum primis suis temporibus ante ab Sæc. XVII.  
 „solutionem suscipi & agi voluerit pœ- A. C. 1643.  
 „nitentiam publicam, semper habuisse  
 „in animo illam instaurare, & in usum  
 „revocare; alioquin, si ab hac mente  
 „unquam sua desisteret, non fore am-  
 „plius incorruptæ & perennis verita-  
 „tis columnam, sed errorum synago-  
 „gam; num hoc, inquam, non gravi-  
 „ter offendit animos, & in errorem in-  
 „ducit? quid? num forsan Ecclesia,  
 „quæ in doctrina fidei eadem semper,  
 „ac pura & integra est, in modo di-  
 „sciplinæ mutandi quidpiam potestate  
 „& authoritate caret? An non ipse  
 „Deus, in seipso infinite immutabilis,  
 „variavit rationem agendi cum homi-  
 „nibus? an non interdum etiam suam  
 „divinus Filius: suam Apostoli? Quo  
 „animo igitur, aut quem in finem fin-  
 „git hic homo, Ecclesiam abituram a  
 „via veritatis, si non perseveret in con-  
 „silio redintegrandi eam pœnitentiæ  
 „formam, quam olim in mores indu-  
 „ctam exerceri volebat? num hic ho-  
 „mo Catholicus est?,,

### §. LXVIII.

#### *Alia Facultatis Acta.*

Sub idem tempus Jacobus Nouet Je- Comm. Cler.  
 suita arguebatur, quod in publicis Gall. tom. I.  
 Concionibus, librum Arnaldi de fre- p. 580.  
 quenti Communione, scriptis Lutheri &  
 Cal-